

- Kabinet predsjednika -

Sarajevo, 06.06.2019. godine
Broj: 01-01.1-328-2/19

Predmet: Poziv na okrugli sto na temu „Izazovi vezani za Zakon o unutrašnjoj trgovini FBiH“

Poštovani,


S ciljem definiranja prepreka sa kojima se suočavaju privredna društva zbog propisa koji reguliraju trgovinu, Privredna/Gospodarska komora FBiH organizira okrugli sto na temu „Izazovi vezani za Zakon o unutrašnjoj trgovini u FBiH“, koji će se održati u **petak, 14.06.2019. godine od 14.15 do 16.00 sati, u sklopu 15. Međunarodnog sajma privrede Tešanj** (Kraševo DC – Carina, konferencijska sala). Ovaj događaj je dio aktivnosti usmjerenih ka poboljšanju poslovnog ambijenta u BiH koje se realiziraju u sklopu projekta „Poboljšanje investicijske klime i pristupa tržištu“ (ICAM), a koji implementira Grupacija Svjetske banke u saradnji sa Ambasadom Ujedinjenog Kraljevstva u BiH.

Oblast trgovine na nivou Federacije Bosne i Hercegovine regulirana je zakonom iz 2010. godine, koji je doživio izmjene od strane nadležnog Federalnog ministarstva trgovine tokom 2017. godine. U periodu nakon izmjena, do izražaja su došle nedosljednosti Zakona, kao i činjenica da isti i dalje narušava principe slobodne trgovine, a koji su definirani Sporazumom o stabilizaciji i pridruživanju te zakonodavstvom Evropske unije općenito. Uz to, imajući u vidu potrebu reguliranja novih tehnologija (npr. oblast e-trgovine), te generalnu opredjeljenost Bosne i Hercegovine ka EU legislativi i standardima, jasno je da je potreban značajniji iskorak u zakonskoj regulativi, koji će pozitivno uticati na konkurentnost privrednih subjekata, donošenje kvalitetnijih razvojnih politika te ispunjavanje uslova za pridruženje EU.

U tom kontekstu, pozivamo Vas da uzmete aktivno učešće na okruglom stolu, ukažete na prepreke sa kojima se susrećete zbog postojeće zakonske regulative u oblasti trgovine, te date svoje prijedloge za njeno unapređenje. Informacije prikupljene tokom okruglog stola poslužit će kao smjernice za izradu budućeg Zakona o unutrašnjoj trgovini i osigurati učešće realnog sektora u tom procesu.

Za okrugli sto je predviđen slijedeći program rada:

14.00 – 14.15 sati	Registracija učesnika
14.15 – 14.30 sati	Uvodno obraćanje – gosp. Mirsad Jašarspahić, potpredsjednik Privredne/Gospodarske komore FBiH
14.30 – 14.45 sati	Prezentacija aktuelnog stanja regulative u oblasti trgovine
14.45 – 15.45 sati	Diskusija
15.45 – 16.00 sati	Zaključci



Molimo da Vaše učešće potvrdite najkasnije do **srijede, 12.06.2019. godine** putem e-maila (na adresu: a.handzic@kfbih.com) ili telefona (na broj: 033 566 322). Kontakt osobe za dodatne informacije su gđa Aida Handžić (tel: 033 566 322 ili e-mail: a.handzic@kfbih.com) ili gđa Andreja Softić (tel: 033 566 333 ili a.softic@kfbih.com).

Nadamo se da ćete se odzvati našem pozivu i dati svoj cijenjeni doprinos realizaciji ove aktivnosti. Za sva dodatna pitanja, stojimo Vam na raspolaganju.

S poštovanjem,

POTPREDsjedNIK

Mirsad Jašarspahić, dipl.ing.maš.

